

ጳውሎስ ጋላቲያ አሳው ፃፊዳ ኪታ ጌሉዋ

ዩሱስ አሺያዋ ጊዲያዋ ኦሪያ ሚሺራቹዋ ቃላይ፡ ዲማ ዲማ ሳዓን ኦዴቲሺናኔ አዩሁዳ ጊዴና አሳይካ አማኒዴ አኪ አኪ ቢሺን፡ «አማኒያ አሳ ጊዴናው ሙሴ ሂጊያ ፖላናው ኮሺዬ ኮሺኔ?» ጊያ ዋላሳይ አቲፔ ዴንዴዳ። ሄ ዎዴ ጳውሎስ፡ «አማኒያ አሳ ጊዴናው ሙሴ ሂጊያ ፖላናው ኮሺና፤ ዩሱሳን ኦራላ ዴዑዋ ዴማናው አኒ አማኖ አሳይ፡ ያሳ ሲንላን ሂላናው ዴንዳዪያዌ አማኖ ፃላላና» ያጊዴ ታማሪሱዋ ደሚዳ። ሺን ቄሪ ኢሲያ ጊዴን፡ «አሳይ ያሳ ሲንላን ሂላናው ዩሱሳን አማኒያዋ ፃላላ ጊዴናን፡ ሙሴ ሂጊያካ ፖላናውኔ ቃፃሪታናው ኮሺ» ያጊዴ ጳውሎሳ ቲሚርቲያ ጳልቂያ አሳቱ ዴዲና።

ጳውሎስ ሃዋ ጋላቲያ ኪታ ፃፊዳዌ ሃ ባላ ቲሚርቲያን ጨሜቲዳ አሳ ሱሬ አማኑዋሲኔ አማኑዋ ዴዑዋሲ ዛሪዴ ካሌላናሳ። ጳውሎስ ኮይሮ ደሚዳ፡ ኢ ባሪና፡ «ታኒ ዩሱስ ከቲዳዋ» ያጊ ኤሪሲዴ ደሚ። ዩሱስ ከቲዳዋ አላዴ አ ፃሴዳዌ ያሳፔ አቲን፡ አሳ ጊዴናዋኔ ቃሲ ኢ ከቲዳዳዌ አዩሁዳ ጊዴና አሳቱዋሳ ጊዲያዋ ቆንጨሲዴ ኦዴ። ሄዎናካ ኦይቄቲዴ፡ አሳይ ሂላናው ዴንዳዪያዌ አማኑዋ ፃላላና ጊዲያዋ ኦዴ። ወርሴላ ሺምፓቲዋን አማኑዋ ኤሻይ ዩሱሳ አማኒያ አማኑዋፔ ኬሲያ ሲቁዋፔ ፑልቲያዋ ጊዲያዋ ኦዴ።

ሺምፓቲዋ ኡባቲዋሲ ኢሜቲዳ ቃንላ ቆፋቲዋ ጌሉዋ (1:1-10)

- ጳውሎስ ያሳፔ ከቲዳዳ ማታ (1:11-2:21)
- ያሳ አጾ ኬካቲላ ሚሺራቹዋ ቃላ (3:1-4:31)
- ኪሪሰቲና ላዓቲላኔ አማኑዋ (5:1-6:10)
- ወርሴላ ቁቲያ (6:11-18)

1 ታኒ ጳውሎስ፡ ዩሱስ ኪሪሰቶሲኔ ቃሲ ሃይቁዋፔ አ ዴንጼዳ ያሳይ አዉ ከቲዳዳዋ አቲን፡ አሳፔ ዎይ አሳ ባጋና ከቲዳዳዋ ጊዲኪ። 2 ሃ ታኒኔ ታናና ዴዲያ አማኒያ አሻቲ ኡባይ፡ ጋላቲያ ጋዲያን ዴዲያ አማኒያ አሳ ኡባው ሳርታ ከቲቶ።

3 ያሳይ ኑ አዉኔ ኑ ጎዳይ ዩሱሲ ኪሪሰቶሲ ሂንቴንቶ አቶ ኬካቴላኔ ሳሮቴላ አሞ።

4 ኑ ያሳ፡ ኑ አዉዋ ሸኒያን ኪሪሰቶሲ ሃ ኢታ ኦሱ ኦሴቲያ ዋዲያፔ ኑና አሻና ማላ፡ ኑ ናጋራ ዲራው፡ ባሬ ሁጺያ አሜዳ።

5 ያሳው ሜጲፔ ሜጲና ጋካናው ቦንቹ ገዶ። አሜንዒ።

ሚሺራቹዋ ቃላ ቱሙ አቱዋ ፃላላ

6 ኪሪሰቶሳ አቶ ኬካቴላን ሂንቴንታ ፃሴዳ ያሳ አገዴ፡ ሃራ ዋንጋላኮ፡ ሂንቴ ኤሌሊዴ፡ ዋቲ ሲሜዲቴንቶ ታው ኦራላባ ገዴዳ። 7 ሂንቴንታ ቡልዓኪያዋንቴኔ ኪሪሰቶሳ ሚሺራቹዋ ቃላ ጌላያናው ኮዪያ አማሬዳ አሳቱ ዴዒኖፔ አቲን፡ ቱሙፔ ሃራ ሚሺራቹዋ ቃላይ ባዋ። 8 ሺን ሃራይ አቶ ኑና ገዲና፡ ዋይ ሳሉዋፔ ኪታንቻ ገዲና፡ ኑኒ ሂንቴንቶ ካሴ ኦዴዳ ሚሺራቹዋ ቃላፔ ዲማቲያዋ ሂንቴንቶ ኦዲያዋ ገዶፔ፡ ኢ ሜጲናው ሸቄቴዳዋ ገዶ። 9 ካሴ ኑኒ ጌዳዋዳን፡ ሃዒካ ላዒንሉዋ ታኒ ኦዳይ፤ ሂንቴ አኩዳ ሚሺራቹዋ ቃላፔ ዲማቲያዋ ኦኒኔ ሂንቴንቶ ኦዶፔ፡ ሄ ኡራይ ሜጲናው ሸቄቴዳዋ ገዶ።

10 ሃዌ ታና አሳፔ ሳባ ኮዪያዋ ማላቲሲ? ማላቲሴና! ታኒ ያሳይ ሎዓ ገያዋ ኮያይ። ዋይ ታኒ አሳ ናሹቻናው ኮያይታ? ታኒ ሃዒካ አሳ ናሹቻናው ኮዪያዋ ገዶፔ፡ ኪሪሰቶሳ አይሌ ገዲኬ።

ጳዉሎሲ ዩሱሲ ኪቴዳዋ ገዴዳ ሃኑዋ

11 ታ አሻቶ፡ ታኒ ሂንቴንቶ ኦዴዳ ሚሺራቹዋ ቃላይ አሳፔ ገዴናዋ ሂንቴንቶ ኦዳይ። 12 አዪሲ ጎፔ፡ ታው ዩሱሲ ኪሪሰቶሲ ቆንጨሴዳፔ አቲን፡ ታኒ ሚሺራቹዋ ቃላ አሳፔ አካቤይኬ፤ አሳይ ታና ታማሪሲቤና።

13 ካሴ ታኒ አዪሁዳ አማኑዋን ዴዒያ ዋዴ፡ ዋናዴ ዴዒዲታንቶ፡ ሂንቴ ሲሴዲታ፤ ታኒ ኪሪሰቶሳ አማኒያዋንታ ቃሬታይ ባይና፤ ዩዴርሳዲኔ ቆዩሳናው ባፃታዲ። 14 ታ ዋዴ ያሬዳ አሳቱዋፔ ጮራቱዋ አዪሁዳ አማኑዋ ሂጊያ ናጉዋን አቆይ፤ ኑ አዋቱዋ ዋጋ ኦፔኔ አቆይ ሲቃዲ።

15-16 ሺን ያሳይ ባሬ አቶ ኬካቴላን፡ ታኒ ቢሮ ታ ዳዪ ኡሉዋን ዴዒሺን፡ ባሬው አላናው ታና ፃሴዳ፤ አባ ኦዲያ ሚሺራቹዋ ቃላ አዪሁዳ ገዴና አሳው ታኒ ኦዶና ማላ፡ ያሳይ ባሬ ናዓ ታው ቆንጨሳናው ኮዪዳ ዋዴ፡ ዞሬታናው ኦኮኔ ባቤይኪ። 17 ዋይ ታፔ ካሴ ዩሱሲ ኪቴዳዋንቴና ጋኬታናው ዩሩሳላሚ ባቤይኪ፤ ሺን ታኒ ኤሌካ አራቢያ ጌቴቲያ ጋዲያ ባዲ። ሄዋፔ ዳማሰቆ ገያ

ካታማ ሲማዲ። 18 ሄዙ ላይላፔ ጉዩያን፣ ጳጳርሳና * ጋኬታናው ዩሩሳሌሜ ባዴ፣ አናና ታማኔ ኢቺሹ ጋላሳ ኡታዲ። 19 ሺን ዩሱሲ ኪቴዳዋንቱፔ ጎዳ እሻ ያዩቆባፔ ኣቲን፣ ሃራቱዋና ጋኬታቤይኪ።

20 ታኒ ሂንቴንቶ ፃፊያዋን ዋሪ ባዋ፤ ታኒ ሂንቴንቶ ዋርዲዋ ኦዴናዋ ያሳይ ማርካ!

21 ሄዋፔ ጉዩያን፣ ሶሪያ ጌቴቲያ ጋዲያኔ ኪልቂያ ጌቴቲያ ጋዲያ ባዲ። 22 ዪሁዳን ዴዲያ ኪሪሰቶሳን ኣማኒያዋንቱ ታናና ኤሪታ ገዲኪኖ። 23 ሺን ሃራ ኣሳይ፣ «ኵና ዩዴርሲ ዩዩያ ቢታኒ ሃዋፔ ካሴ ኢ ቆዩሳናው ኮዩያ ኣማኑዋባ ሃዲ ኦዴ» ጊያዋ ኡንቱንቱ 24 ሲሲዴ ታባን ያሳ ጋላቴዲኖ።

2

ጳጳሎሲ ኪቴቶዋ ገዲያዌ ሃራቱዋ ማታን ኤሪቲዳ

1 ሄዋፔ ሲማዴ ታኒ ታማኔ ኦይዲ ላይላፔ ጉዩያን፣ ባሪናባሳና ለዒንሱዋ ዩሩሳሌሜ ባዴ፣ ቲታካ ታናና ኣካዴ ባዲ። 2 ያሳይ ታው ሳፃን ቆንጨሴዳ ዲራው ባዴ ታኒ ሃዲ ኦሲያ ኦሱ ዋይ ካሴ ኦሲዳዌ ሚላ ኣቴና ማላ፣ ኪሪሰቶሳን ኣማኒያዋንታ ካሌሲያዋንታ ዲማ ሸሻዴ፣ ኣዪሁዳ ጊዴና ኣሳው ታኒ ኦዲያ ሚሺራቹዋ ቃላይ ኣይ ማሌንቶ ኡንቱንቶ ኦዲዲ። 3 ሺን ሃራይ ኣቶ ታናና ዴዲያ ቲታ ኢ ጌሪኬ ጋዲያ ኣሳ ገዲሺን፣ ቃፃሪቶ ገዴ ጎዴቲቤይኪኖ። 4 ገደፔኔካ፣ ዋርዲዋን ኡሲ ኢሻቱዋ ማላቲ ዩዴ፣ ኵናና ዋላኬቴዳ ጮራ ኣሳቱ ኣ ቃፃራናው ኮዩዲኖ። ሄ ኣሳቱ ኪሪሰቶሳ ዩሱሳን ኡሲ ዴዲያ ኦኒ ኮዩዳዋዳን ሃናና ዳንዳዩያ ላባቴላ ዋቺዴ ጲሻናው፣ ወዒቲዴ ኦ ገደ ጌሊዴ ኵና ኣይሌ ኦላናው ኮዩዲኖ። 5 ሺን ሚሺራቹዋ ቃላ ቱማቴላይ ሂንቴንቱና ሚኒ ዴባና ማላ፣ ኦኒ ሃራይ ኣቶ ጉላ ዋዲያካ ኡንቱንቶ ዋዴቲቤይኮ።

6 ሺን ካፓቱዋ ማላቲያዋንቱ ታው ኣይኔ ኦራላ ቆፋ ኢማቤይኪኖ፤ ሃዋ ኣዩሲ ጋይታ ጎፔ፣ ሃዋፔ ካሴ ኡንቱንቱ ኦና ገዲናካ ታና ሚቲያባ ገዴና፤ ያሳይ ኣሳ ሶምዒያ ፃሊዴ ፐርዴና። 7 ሺን ጉዩፔ ያሳይ ጳጳርሳው፣ ኣዪሁዳቶ ሚሺራቹዋ ቃላ ኦዲያ ሃዳራ ኢማዳዋዳን፣ ታወካ ኣዪሁዳ ገዴና ኣሳው ሚሺራቹዋ ቃላ ኦዲያ ሃዳራ ኢማዳዋ ኡንቱንቱ ቤዔዲኖ። 8 ኣዩሲ ጎፔ፣ ጳጳርሲ ኣዪሁዳቶ ዩሱሲ ኪቴዳዋ ገዴዳዋዳን፣ ታኒካ ያሳ ዋልቃን ኣዪሁዳ ገዴና ኣሳው ዩሱሲ ኪቴዳዋ ገዳዲ።

* 1:18 ጳጳርሳ፣ ግሪኬ ማፃፋይ ኬፋ ያጌ። ቢሌላይካ ኣራማዩኬ ቃላን «ዛላ» ጊያዋ። 2:6 ዘር 10:17

9 ቃሲ ካሌሊያዋንታ ማላቲዳ ቤቲያዋንቱ፣ ያዩቆቢ፣ ጳጳርሲኔ ዮሃንሲ፣ ታው ኢሜቲዳ አቶ ኬካቲፋ ኤሪዳ፣ ታናኔ ባርናባሳ ኑ ኩሺያ ኦይቂዳ ሳርቲዲኖ። ታኒኔ ባርናባሲ አዩሁዳ ጊዳና አሳ ጊዳን ኦሳናዳን፣ ቃሲ ኡንቲንቲ አዩሁዳቲዋ ጊዳን ኦሳናዳን ቃቺዳ ዳንዳድ። 10 ኡንቲንቲ ኑና ካሴፔካ ታኒ ኦሳናው ቆፓዳ ዳዒያ ሂዬሳቲዋ ማዳናዋ ፃላላ ቆፊሴዲኖ።

ጳጳሎሲ አንዮኪያን ጳጳርሳ ቲሚርቲያ ጳልቄዳ

11 ሺን ጳጳርሲ አንዮኪያ ጊያ ካታማ ዬዳ ዋዳ፣ ኢ ባዩዜዳ ዲራው፣ ቆንጩያን ታኒ አ፣ «ኔኒ ባዩዛንቻ» ያጋዲ። 12 አዩሲ ጎፔ፣ ያዩቆባ ማታፔ ከቲቲዳ አማሬዳ አሳይ ያናፔ ካሴ አዩሁዳ ጊዳና አሳቲዋና ቁማ ማ፤ ሺን ኡንቲንቲ ዬዳዋፔ ጉዩያን፣ አዩሁዳ ጊዳናዋንቲ አማኒያዋንታ ጊዳናው ቃፃሬታናው ኮሼ ጊያዋንቶ ያዩዳ ዲራው፣ ሚያዋ ኤሲዳ፣ አዩሁዳ ጊዳናዋንቲፔ ሻኬቲዳ። 13 ቃሲ ዮኮ አማኔዳ አዩሁዳቲ ጳጳርሳና ያሻ ደማዲኖ፤ ሃራይ አቶ ባርናባሲካ ኡንቲንቲና ያሻንቻ ጊዳዳ።

14 ሺን ኡንቲንቲ ሚሺራቸዋ ቃላ ቲማቲፋዳን፣ ሱራ ሃሚቲናዋ ቤዓዳ፣ ጳጳርሳ ሄ ኡባ አሳ ሲንላን፣ «ኔኒ ያሳ አሳ አዩሁዳ ጊዳዳ፣ ኡንቲንቲዳን ጊዳናን ያሳ አሳ ጊዳና አዩሁዳ ጊዳናዋንቲዳን ዳዒ፤ ሺን ያቲና፣ ዋታዳ አዩሁዳ ጊዳናዋንታ፣ ለአዩሁዳቲዋዳን ዳዒቲ» ጋዳ ጊዳይ?» ያጋዲ።

አዩሁዳቲካ አዩሁዳ ጊዳናዋንቲካ አቲያዌ አማኑዋና

15 ኑኒ ዬሌታን አዩሁዳ፤ «ናጋራንቻ ጊዳዳ አዩሁዳ ጊዳና አሳቲዋ» ጊዳኩ። 16 ሄዋ ጊዳፔካ፣ አሳይ ዬሱሲ ከሪሰቶሳ አማኒዳ ያሳ ሲንላን ያላናፔ አቲን፣ ሙሴ ሂጊያ ናጉዋን ያላናዋ ኤሬዳ፤ አሹዋ ማዬዳ አሳይ ኡባይ ሙሴ ሂጊያ ናጉዋን ያላና ዲራው፣ ኑኒ ኑ ሁጳዉካ ሙሴ ሂጊያ ናጉዋን ጊዳናን፣ ከሪሰቶሳን አማኒዳ ያላና ማላ፣ ከሪሰቶሲ ዬሱሳን አማኒዳ።

17 ሺን ኑሲ ከሪሰቶሳን ዳዒያ አቲፔቲፋን ያላናው ኮዩያዋንታ ጊዳዳ፣ ኑ ሁጳው ናጋራንቻ ጊዳዳ ቤቶፔ፣ ያቲና ከሪሰቶሲ ናጋራ ታማሪሲያዌ? ሄዌ ሙሌካ ዋርዶ! 18 አዩሲ ጎፔ፣ አቲ ካላካ አጋ ዲጌዳዋ ታኒ ላዔሉዋ ኦሊያዋ ጊዳፔ፣ ታኒ ታ ሁጳው ሂጊያ ማንሊያዋ ጊዳያዋ ኤሪሳይ። 19 ታኒ ያሳው ፓፃ ዳዒና ማላ፣ ሂጊያ ባጋና ሂጊው ሃይቃዲ። 20 ታኒ ከሪሰቶሳና አ ማሰቃሊያ ቦላ ሚሲማሪያን ጳሼታዳ ካቂታዲ፤ ሲሚ፣ ሃዒ ፓፃ ዳዒያዌ ታና ጊዳኬ። ሺን ከሪሰቶሲ ታ ጊዳን ዳዒ፤ ታኒ ሃዒ ዳዒያ

ዴዑ፡ ታና ሲቀዴ፡ ታ ዲራው፡ ባሬ ሁጲያ ኢሜዳ ያሳ ናዓን ዴዒያ አማኑቀና። 21 ታኒ ያሳ ኣጵ ከካቴላ ኢዲኬ፤ ኣሳይ ሂጊያ ባጋና ዒሎቴላ ዴሚያዎ ጊደፔ፡ ኪሪሰቶሲ ጮ ማላ ሃይቄዳ ጉሳ።

3

ዒሎቴላይ አማኖ ያላላን ቤቴ

1 ኣከካይ ባይና ጋላቲያ ኣሳቶ፡ ታኒ ሂንቴና ኪሪሰቶሲ ማሰቃሊያ ቦላን ሚሲማሪያን ጳሺቲዴ ካቄቴዳዎ ቆንጨሳዴ ታማሪሳዴ። ያቲና፡ ቱዋ ሂንቴ ኤኖ ጌና ማላ፡ ሂንቴንታ ቢቴዳዌ ኦኔ? 2 ኣኔ ታው ሃ ኢቲ ዩዉዎ ያላላ ኦዲቴ፡ ያሳ ኣያና፡ ሂጊ ጊያዎ ናጊዴ ኣከዲቴ ዎይ አማኑቀን ሲሲዴ ኣከዲቴ? 3 ሂንቴንቴ ሄዎ ከና ኤዩ? ያሳ ኣያናን ዴዑ-ዎ ደሚዴ፡ ሃዒ ሂንቴ ዎላቃን ፖሊቴ? 4 ሂንቴንቴ ዳቡራ ኡባው ኣይኔ ማዲ ባዌ? ቱማ ማዲ ዴዒ። 5 ያቲና፡ ያሳይ ሂንቴንቶ ጌሻ ኣያና ኢሚያዌኔ ሂንቴ ጊደን ማላታ ኦሊያዌ፡ ሙሴ ሂጊያ ሂንቴ ኦሴዳ ዲራሴ? ዎይ ሚሺራቹዎ ቃላ ሲሲዴ፡ ሂንቴ አማኔዳ ዲራሴ?

6 ሃዋዳንካ፡ ኣብራሃዎ ያሳ አማኔዳ ዲራው፡ ያሳይ ኣ ዒሎዎዳን ዌሌዳ። 7 ሄዎ ዲራው፡ አማኒያዎንቴ ኣብራሃሚ ዛሬ * ጊዲያዎ ኤሪቴ። 8 ያሳይ ኣዪሁዳ ጊዴና ኣሳ አማኑቀን ዒላሳናዎ ያሳ ማፃፋይ ካሴት ቤዒዴ፡ «ሃ ኣላሚያን ዴዒያ ኣሳይ ኡባይ ኔናን ኣንጃታና» ያጊዴ፡ ሚሺራቹዎ ቃላ ኣብራሃዎሲ ካሴቲዴ ኦዴዳ። 9 ሄዎ ዲራው፡ ኣብራሃዎ አማኒዴ ኣንጃቴዳዎዳን፡ አማኒያዎንቴ ኣዋዳካ ኣንጃታና።

10 ሂጊያ ኦሱዋን አማኔቲዴ ዴዒያዎንቴ ኡባይ ሸቃ ጊደን ዴዒኖ፤ ኣዪሲ ጎፔ፡ ያሳ ማፃፋይ፡ «ሂጊያ ማፃፋን ፃፊቴዳ ኡባባኒ ዴዒናዌኔ ፖሌናዌ ኦኒኔ ሸቄቴዳዎ» ያጊ። 11 ያሳ ማፃፋይ፡ «ያሳ ሲንሳን ዒላቱ ኣኒ አማኔቲዴ ዴዑዎን ዴዒና» † ጊያ ዲራው፡ ኦኒኔ ያሳ ሲንሳን ሂጊያ ናጊያዎን ዒሌናዌ ኤሪቴዳዎ። 12 ሂጊ አማኑቀን ባሴቲ ኤቄ ቤና፤ ሺን ያሳ ማፃፋይ፡ «ሂጊ ጊያዎ ፖሊያዌ ኣኒ ዴዑዎን ዴዒና» ያጊ።

* 3:7 አማኒያዎንቴ ኣብራሃሚ ዛሬ፡ ያሳይ ኣብራሃማ ደሬዳ፤ ሄ ዲራው ኦኒኔካ ኣብራሃሚ ናዓ ጌቴቴዳዌ፡ ያሳ ናዓ ጊዲያዌ አማኔቴዳ። 3:29 ዌሊቴ። 3:7 ሮዎ 4:16 3:8 ደዎ 12:3 † 3:11 «ያሳ ሲንሳን ዒላቱ ኣኒ አማኔቲዴ ዴዑዎን ዴዒና»፡ ያሳይ ኣከዲዳ ኣሳይ አማኑቀፕ ዴንዴዳዎን ዴዑዎን ዴዒ። 3:12 ዎግ 18:5

13 ያሳ ማፃፋን፡ «ሚላ ቦላ ካቁተ ሃይቂያ ኦኒኔ ሹቄቴዳዎ» ጌቴቴ ፃፊቴዳ ዲራው፡ ኪሪሰቶሲ ኑ ዲራው ሹቄቴዳዎ ጊዲዳ፡ ኑና ሂጊያ ሹቃቴ ዎዚ ኣኬዳ። 14 ኪሪሰቶሲ ሄዎ ኣዩሲ ኦሴዴ ጎፔ፡ ያሳይ ኢማና ጌዳ፡ ጌሻ ኣያና ኑኒ ኣማኑዎን ኣካናዲኒኔ ኣብራሃሜ ኣንጂ ባሬ ባጋና ኣዩሁዳ ጊዳና ኣሳ ጋካና ማላ ጊዳ ኦሴዳ።

ሂጊ ሂደታ ቃላ ኮሌና

15 ታናዳን ኣሚኒያዎንቶ፡ ታኒ ኣሳይ ጊያዎዳን ሂንቴንቶ ጋይ፤ ሃራይ ኣቶ ላዑ ኣሳቱ ኢቲ ዩወዎ ሃሳዩዳ፡ ጨቁዎ ዎሴዳዎፔ ሂኒ ባጋን፡ ኦኒኒ ሄ ጨቁዎ ቢላናው ዎይ ሃራባ ሄ ጨቁዎ ቦላ ጉጃናው ዳንዳዬና። 16 ኣብራሃሞኔ ኣ ዛሪ ያሳይ ሲንሳፔ ኢማና ጊዳ ሃሳዩዳዎ ሲሴዲኖ። ያሳ ማፃፋይ ጮራ ኣሳው ሃሳዩያዎዳን፡ «ኔ ዜሬላቱዎሲ» ጌና፤ ዋጊ ጎፔ፡ «ኔ ዛሬው» ያጌ። ሄዌኔ፡ ኢቲ ኣሳ ፃላላ ጌ፤ ኢካ ኪሪሰቶሳ።

17 ታኒ ጊያዎ ሃዎ፤ ያሳይ ኣብራሃሞሲ ጨቁዳ፡ ሃ ጨቁዎ ታኒ ናጋና ያጌዳ። ኦይዲ ፃታኔ ሃታሙ ላይሳፔ ጉዩያን ዩዳ ሙሴ ሂጊ ያሳይ ዎሴዳ ሃ ጨቁዎ ቆዩሳናውኒ ሲንሳፔ ኢማና ጊዳ ሃሳዩዳዎ ዲጋናው ዳንዳዬና። 18 ኣዩሲ ጎፔ፡ ያሳይ ኢሚያ ላታይ ሂጊያን ቤቲያዎ ጊደፔ፡ ያቲና ያሳይ ሲንሳፔ ኢማና ጊዳ፡ ቃላ ጌሌዳዎና ጊዳና ጊያዎ፤ ሺን ያሳይ ኢማና ጊዳ ቃላ ጌሌዳዎን ላታ ኣብራሃሞሲ ኢማዳ።

19 ያቲና፡ ሂጊ ኣዩሲ ዴዒ? ሂጊ ባዩዞ ኦሱዎ ጊዲያባይ ኣዩንቶ ቤሳናው ያሳይ ኢማና ጊዳ ሃሳዩዳ ኣብራሃሜ ዛሪ ያና ጋካናው ጉጃቴዳ፤ ኪታንቻ ባጋና ሙሴ ጋናቲያዎን ኢማቴዳ። 20 ጋናይ ኢቲ ኡራ ፃላላሳ ጊዳና፤ ሺን ያሳይ ኢቱዎ።

ሂጊያ ቆፋ

21 ያቲና፡ ያሳይ ሲንሳፔ ኢማና ጊዳ ሃሳዩዳዎ፡ ኢቲ ሂጊ፡ «ሃኔና» ያጊ? ኣዓ! ሄዎ ጌና። ኣዩሲ ጎፔ፡ ሂጊ ኣሳው ዴዑዎ ኢማናው ዳንዳዩያባ ጊደፔ፡ ጂሎቴላይካ ቱሙ ሂጊያ ኣዛዜቲያዎፔ ቤቲ ጊያዎ። 22 ሺን ዩሱሲ ኪሪሰቶሳ ኣሚኒና፡ ያሳይ ሲንሳፔ ኢማና ጊዳ ቃላ ጌሌዳ ላባቴላይ፡ ኣሚኒያዎንቶ ኢማታና ማላ፡ ኣሳይ ኡባይ ናጋራሲ ዎዴቲዴ ዴዒያዎ፡ ያሳ ማፃፋይ ኦዴ።

23 ሺን ካሴ ሃ ኣማኑ ያናሲ፡ ሲንሳፔ ቆንጫና ኣማኖ ሂጊ ኑና ቃሹቴዳ ኣሳዳን ጎርዲ ዎሴዳ። 24 ሄዎ ዲራው፡ ኑኒ ኣማኑዎን

ፀላና ማላ፡ ኪሪስቶስ ያና ጋካናው ሂጊ ኑና ናጊያዋ ጊዳዳ።
25 ሺን ሃዒ ሲሚ አማኑ ዬዳ ዲራው፡ ሂጊ ሃዋፔ ሲንጻው ኑና ናጊያዋ ጊዳና።

26 ሂንቴንቱ ኡባይ አማኑዋ ባጋና ኪሪስቶሳ ዬሱሳን ኢቱዋ ጊዳዳ ያሳ ናና። 27 እዪሲ ጎፔ፡ ሂንቴ ኪሪስቶሳና ኢቱዋ ጊዳና ማላ ፃማቄቴዳ ኡባቱ ኪሪስቶሳ ማዬዲታ። 28 ሄዋ ዲራው፡ አዪሁዳ አሳ ጊዳኒኔ ጊሪኬ አሳ ጊዳን ዲማቴላይ ባዋ፤ አይሊያ ዎይ ዎማኑዋ ጊዳን ዲማቴላይ ባዋ፤ አቱማዋ ዎይ ማጫ አሳ ጊዳን ዲማቴላይ ባዋ። እዪሲ ጎፔ፡ ሂንቴንቱ ኡባይካ ኪሪስቶሳ ዬሱሳን ኢቱ አሳ። 29 ሂንቴንቱ ኪሪስቶሳዋ ጊዳፔ፡ ሲሚ ሂንቴንቱ አብራሃሜ ዛሬ፤ † ቃሲ ያሳይ ሲንጻፔ ኢማና ጊዳ ቃላ ጌሌዳዋ ላቲያዋንታ።

4

ኑኒ ያሳ ናና ጊዲያዋ

1 ሺን እኩኪቱ፤ ባሬ አቡዋ ላቲያ ናዒይ ናዒቱላን ዳዒዳ፡ ዳዒያዋ ኡባው ጎዳ ጊዳፔካ፡ አይላቱዋፔ አው ዲማቴያሳይ ባዋ። 2 ሺን ባሬ አቡ ጌዳ ዎዲ ዉራና ጋካናው፡ አ ሃዳራ አኩዳዋንቱ ኩሺያኒኔ አ ሚሻ ናጊያዋንቱ ኩሺያን ዳዔ። 3 ሃዋዳን ኑኒካ ቃሲ ናዒቱላን ዳዒያ ዎይ፡ ሃ አላሚያ ሞዲያ አያናቱዋሲ አይሌቴዳ። 4 ሺን ያናው ቤሲያ ዎዲ ጋኩዳ ዎይ፡ ያሳይ ማጫዉኒፔ ዬሌቶዋ፡ ሙሴ ሂጌው ሞዴቲያ አሳ ጋርሳን ዎዴቲዳ ዳዒያዋንታ ዎዛናዉኔ ኑና ባሬ ናና ኑላናው ኪቲዳ።

6 ያሳይ ሂንቴ አ ናና ጊዲያ ዲራው፡ «አባቦ፡ ታ አቦ» ጊዳ ዋሲያ ባሬ ናዒ አያና፡ ኑ ዎዛና ጊዳ ኪቲዳ። 7 ሄዋ ዲራው፡ ሃዋፔ ሲንጻው ኑኒ ያሳ ናዒ ጊዲያዋፔ አቲን፡ አይሌ ጊዳካ፤ ቃሲ ኑኒ አ ናዒ ጊዳፔ፡ ኪሪስቶሳ ባጋና ያሳይ ቃላ ጌሌዳባ ላቲያዋ።

ጳውሎሲ ጋላቲያ አሳባ ሂርጌዳ

8 ሺን ሂንቴ ሃዋፔ ካሴ ያሳ ኤሬናን ዳዒዳ፡ ቱማ ጊዳና ያሳቱዋሲ አይሌ ጊዲዳ ኤና ጌዲታ። 9 ሺን ሃዒ ያሳ ኤሬዳ፡ ኡባካ ያሳን ኤሬቲዳ፡ ላፋኔ ቃሲ ካዴቴዳ ሃ አያናቱዋኮ ዋኒዳ ሲሚቱ፡ ሺሬቲ ሲሚ፡ አይሌ ጊዲዳ፡ ላዒሉዋ ኡንቱንቶ ኤና

† 3:29 አብራሃሜ ዛሬ፡ ሃዒ ኑኒ አብራሃሜ ጎሌ አሳ፡ ሄዋሳ ጳውሎሲ ጋላቲያ አሳው ኡዲዳ፡ ኢቲ አሳይ ዬሱሳ አማኒዳ አማኑዋን አብራሃሜው ቱሙ ናዒ ያጌቲዳ ያጌቱ፡ ሄዋ ጉሳይ ያሳ ናዒ ጉሳ። 3:7 ያሌቱ።

ጋናው ኮዩቲ? 10 ዲማቴዳ ጋላሳቱዋ፣ አጌናቱዋ፣ ዋዴቱዋን ለይላቱዋ ሂንቲ ሎይሊ ናጉዋን አይሌቲዲታ። 11 ታና ሂንቲባይ ያሽ፤ ታኒ ሂንቲንቶ ጮ ጋዴ ሜላ ዳቡራዲታሻ?

12 ታናዳን አማኒያዋንቶ፣ ታኒ ሂንቲንቲዳን ሃኔዳ ዲራው፣ «ሂንቲንቲካ ታናዳን ሃኒቲ» ጋዴ፣ ሂንቲንታ ዋሳይ፤ ሂንቲ ታና አይኔ ናቂቤይኪታ። 13 ታኒ ኮይሮ ሂንቲንቶ ሚሺራቹዋ ቃላ ኦዴዳዌ ታና ሃርጊሲሺና ጊዲያዋ ሂንቲ ኤሪታ። 14 ታው ፓፀቴላይ ቆዩዴ፣ ሂንቲንቶ ፓጩ ጊዲናካ፣ ታና ካዲቤይኪታ፤ ሽኔቲካቤይኪታ። ሄዋ ዲራ ኡባ ታና ያሳ ኪታንቻ ሞኪያዋዳን፣ ዋይ ኪሪሰቶሳ ዬሱሳ ሞኪያዋዳን ሞኬዲታ።

15 ያቲና፣ ሄኮ ሂንቲ ናሽቲያዌ ቤቴና! ታና ጊደፔ፣ ሂንቲንቶ ዳንዳዬቲያባ ጊዲና፣ ታው ሂንቲ ሂንቲንቲ አይፊያ ዋጪ አሚንቶኔ አጃናዋ ማርካታይ። 16 ያቲና ታኒ ሂንቲንቶ ቱሙዋ ኦዲያ ዲራው፣ ሂንቲ ሞርኬ ጊዳይታ?

17 ሃራ አሳቱ ሂንቲንቶ ቃራቲያዋ ማላቲና፤ ሺን ኡንቲንቲ ቆፋይ ሎዔና፤ አዩሲ ጎፔ፣ ሂንቲ ኡንቲንቶ ቃራታና ማላ፣ ታፔ ሂንቲንታ ሻካናው ኮዩና። 18 ሺን ታኒ ሂንቲ ማታን ዴዒያ ዋዴ ፃላላን ጊዴናን፣ ኡባ ዋዴካ ሎዶባን ሂንቲ ኮዩቲያዋንታ ጊደፔ ሎዒ።

19 ታ ሰቆ ናቶ፣ ኪሪሰቶሳ ሜዴታይ ሂንቲንቲን ቤታና ጋካናው፣ ማጫዉኖ ኦይላይ ሳኪያ ኬና፣ ታኒ ሂንቲ ዲራው ሳኬታይ። 20 ሺን ታኒ ሂንቲንቶ ሂርጊያ ዲራው፣ ሃዒ ሂንቲ ማታ ባዴ ሂንቲንቲና ደናን ሃሳያንቶ፣ ዳሪ ደሳይ።

አጋሪኔ ሳሪ ለሚሱዋ

21 ሙሴ ሂጊያን ሞዴቲዴ ዴዓናው ኮዩያዋንቶ፣ ሂጊ ጊያዋ ሲሰከቲ? አኔ ታው ኦዲቲ። 22 አዩሲ ጎፔ፣ ያሳ ማፃፋይ፣ «አብራሃሞሲ ዳንጋዲራቲፔኔ ጎዳቲፔ ዬሌቲዳ ላዑ ናናይ ዴዒኖ» ያጌ። 23 ሺን ዳንጋዲራቲ ናዓይ አሳይ ናዓ ዬሊያ ማራዳንካ ዬሌቲዳ፤ ቃሲ ጎዳቲ ናዓይ፣ ያሳይ ሲንላፔ አማና ጊዴ ቃላ ጌሌዳዋን ዬሌቲዳ።

24 ሃ ላዑ ማጫዋንቲ ላዑ ጫቁዋሲ ጊዲያ ለሚሱ። ኡንቲንቲፔ ኢቲና፣ ሙሴሲ ሂጊ አሜቲዳ ሲና ዴሪያፔ ጫቁ ዬዳዉና፣ ባሬ ናና አይሌቲላው ዬላዲ፤ አዛካ አጋሮ። 25 ሃ አጋራ አራቢያ ጌቲቲያ ጋዲያን ዴዒያ ሲና ዴሪያን ለሚሴታው፤ ቃሲካ ሃዒ ዴዒያ ዬራሳላሚን ለሚሴታው፤ አዩሲ ጎፔ፣ ዬራሳላሚ ካታማይ ባሬ ጊደን ዴዒያ አሳ ኡባና ሙሴ ሂጊያ አይሌቲላን

ዴዔ። 26 ሺን ሳሉዋን ዴዔያ ዩሩሳላሜ አይሌቴላን ዴዑኩ፤ ኢዛ ኑሲ አቶ ጊዴዳ ሳር። 27 አዪሲ ጎፔ፣ ያሳ ማፃፋይ፣

«ሃኔ፣ ዩላቤና ማንላቴ፣ ናሼታ፤
ዩሉዋ ኦይላይ ኦይቁ ኤሬናዉኔ፣
ኔ ኮሻ ጶቁ ኦላዴ ኢሊላ!

አዪሲ ጎፔ፣ ባሬ አሲናና
ዴዔያ ማጫዉኒ፤
ባሬካ ዴዔያ ማጫዉኒው
ጮራ ናናይ ዴዳና»

ያጌ።

28 ታናዳን አማኒያዋንቶ፣ ኩኒካ ሳሪ ናዓ ዪሳቃዳን፣ ያሳይ ሲንላፔ ኢማና ጊዴ ቃላ ጌሌዳ ናና። 29 ሺን ሄ ዋዴ አሳ ማራዳን ዩሌቴዳዌ፣ ያሳ አያናይ ጌዳዋዳን ዩሌቴዳዋ ዩዴርሲ ዲጎዋዳን፣ ሃዒካ ሄዋ ማላ። 30 ሺን ያሳ ማፃፋይ ዋጊ? «ዳንጋደርቲ ናዓይ ጎዳቲ ናዓና ኢቲፔ ላቴና ዲራው፣ ዳንጋደራቶ ኢዚ ናዓና ኢቲፔ ኬሳ ዩዴ» ያጌ። 31 ሄዋ ዲራው፣ ታናዳን አማኒያዋንቶ፣ ኩኒ ጎዳቲ ናና ጊዲያዋፔ አቲን፣ ዳንጋደራቲ ናና ጊደኮ።

5

ኪሪሰቶሳን አይሌቴላፔ ኬሱሳ

1 ኩኒ አይሌቴላይ ባይናን፣ ዴዳና ማላ፣ ኪሪሰቶሲ ኑና አይሌቴላፔ ኬሱዳ፤ ሲሚ ሚኒዴ ኤቂቴ፤ ላዔንሱዋ አይሌቴላ ሞርጌ ሚላን ዋዳቶፒቴ።

2 ሲሲቴ፣ ታኒ ጳዉሎሲ፣ ሂንቴንታ ያጋይ፤ ሂንቴ ቃፃሬቲያዋ ጊደፔ፣ ኪሪሰቶሲ ሂንቴንታ አይኔ ማዴና። 3 ቃፃሬቲያ ኡባቱ ሂጊ ጊያዋ ኡባ ፖሊዴ ናጋናው ቤሲያዋ ጉጃዴ ቆፔላይ። 4 ሂጊያ ናጊዴ ዓላናው ኮዪያዋንቶ፣ ኪሪሰቶሳፔ ሻኬቴዲታ፤ ያሳ አቶ ኬካቴላፔካ ኩንዴዲታ። 5 ኑና ጊደፔ፣ ኩኒ ያሳ አያና ባጋና አማኑዋን ዓላናው ናሼቻን ናጌቶ። 6 አዪሲ ጎፔ፣ ኩኒ ኪሪሰቶሲ ዩሱሳና ኢቲፔ ዴፖፔ፣ ሲቁዋን ኦሊያ አማኑዋፔ አቲን፣ ቃፃሬቲናካ፣ ቃፃሬቲናኒ አጊናካ ኑና አይኔ ማዴና።

7 ካሴ ሎዎ ዋይታ፤ ሺን ቱማቴላው ሂንቴ ኤኖ ጌና ማላ፣ ኦኔ ሂንቴንታ ዲጌዳዌ? 8 ሃ ጨሙ ሂንቴንታ ያሴዳ ያሳፔ ዪቤና። 9 አሳይ ጊያዋዳን፣ ጉላ ኢርሹ ሙናቃ ኡባ ዴንሴ። 10 ሂንቴንቱ

ሃራባ ቆጥናዎ ታኒ ያሳን አማኔታይ፤ ሺን ሂንቴንታ ሜቲያ ኡራይ ኦና ጊደፔኔ፣ ያሳፔ ባሬ ፐርዳ አካናዎ።

11 ሺን ታናዳን አማኒያዎንቶ፣ ታኒ ሃዋ ጋካናው ቃፃራይ ኮሺያዎ ኦዲያዎ ጊደፔ፣ ታና አዪሲ ዩዳርሲኖ? ሄዌ ቱማ ጊደፔ፣ ታኒ ኪሪሰቶሳ ማሰቃሊያባ ታማሪሲና አይኔ ሜቲያባይ ባዎ። 12 ሂንቴንታ ሜቶሊያዎንቱ ባሬንታ ባሬንቶካ ጎይሬሪኪኖሻ!

13 ሂንቴንታ ጊደፔ፣ ታናዳን አማኒያዎንቶ፣ አይሌቴላፔ ኬሳናው ዌሴቴዲታ። ጊደፔኔካ አይሌቴላፔ ሂንቴ ኬሴዳዎን፣ ሂንቴ አሳቴላ አሙ ሂንቴንታ ሞደፖ። ሄዋ ዲራ ሲቁዎን አቱ ኢቶ ሞዴቲቴ። 14 አዪሲ ጎፔ፣ ሂጊ ኡባይ ኢቲ ሃሳያን ቃሹቴዳ፤ ኢካ፣ «ኔ ሾሩዎ ኔ ሁጲያዳን ሲቃ» ያገያዎ። 15 ሺን ሂንቴ አቱ አቱዋና ሳዔቴያዎኔ ሜቲያዎ ጊደፔ፣ ሂንቴ ሂንቴ ጊደን ዉሬና ማላ ናጌቲቴ።

አያናኔ አሹዋ

16 ሺን ሲሲቴ፤ ያሳ አያናይ ሂንቴንታ ካሌሊያዎ ጊደፔ፣ ሂንቴ አሹዋ አሙዋ ሙሌካ ፖሊኪታ። 17 አዪሲ ጎፔ፣ ኑ አሹ አሞቲያዎ ጌሻ አያናይ ኢዌ፤ ቃሲ ጌሻ አያናይ አሞቲያዎ ኑ አሹ ኢዌ፤ ሃዋንቱ አቱ አቱዋና ኢዌቴኖ። ሄዋ ዲራው፣ ሂንቴ ደሲያዎ ሐላናው ዳንዳይኪታ። 18 ሺን ያሳ አያናይ ሂንቴንታ ካሌሊያዎ ጊደፔ፣ ሙሴ ሂጊ ሂንቴንታ ሞዴና።

19 አሹዋ ኦሱ ኤሪቴዳዎ፤ ኢካ አዬ ጎፔ፣ ዎሹሚያዎ፣ ቱናቴላ፣ አደዳ ቱናቴላ ኦሱዎ፣ 20 ኤቃው ጎዪኒያዎ፣ ቢቲያዎ፣ ሞርኬቴላ፣ ፓሉማ፣ ቃናቲያዎ፣ ሃንቁዎ፣ ባሬና ደሲያዎ፣ ዋላቄቲያዎ፣ አቱ አቱዋፔ ሻኬቲያዎ፣ 21 አሳዎ አሞቲያዎ፣ ማሐቲያዎ፣ ዩላንቻ ጊዲያዎኔ ሃዋንታ ማላቲያዎንታ። ካሴካ ታኒ ሂንቴንቶ ኦደዳዎዳን፣ ሃዋንታ ማላቲያዎንታ ኦሊያዎንቶ ያሳ ካዉቴላን ጌሊያሳይ ባዎ።

22 ሺን ጌሻ አያና አይፊ፣ ሲቁዎ፣ ናሹቻ፣ ባርቴላ፣ ዳንዳያ፣ ኬካቴላ፣ ሎዎቴላ፣ አማኔቲያዎ፣ 23 አሺኬቴላ፣ ባሬ ሁጲያ ናገያዎ። ሄዋንታ ማላቲያዎንታ ዲጊያ ሂጊ ባዎ።

24 ኪሪሰቶሳ ዩሱሳባ ጊዲያዎንቱ ባሬንቱ አሳቴላ ኣ ኢታ ቆፋናኔ ኣ አሙዋና አቲፔ ማሰቃሊያ ቦላን ሚሲማሪያን ዲሺዴ ካቄዲኖ። 25 ኦሲ ጌሻ አያናይ ዴዑዋ አሞዋፔ ጉዪያን፣ ኑና ቃሲ ኢ ካሌላ። 26 አኔ ኦቶሬቲያዎ፣ ዎይ አቱ አቱዋ ሃንቁሊያዎ፣ ዎይ አቱ አቱዋ ቃናቲያዎ አጎይቴ።

6

ኢቱ ኢቱዋና ማዴቲያዎ

1 ታናዳን አማኒያዎንቶ፡ ሂንቴናን ጌሻ አያናን ዴዲያዎንቱ ኢቲ ኡራይ አይ ባዪዙዋ ኦሊዴ፡ ቤቶፔካ፡ አሺኬቴላ አያናን አ ሱሪሲቴ፤ ቃሲ ሂንቴ ፓጩቴና ማላ፡ ሂንቴ ሁጲያ ናጊቴ። 2 ኢቱ ኢቱዋ ቶኩዋ ቶኪቴ፤ ሄዋ ኦሊያዎን ኪሪሰቶሳ ሂጌው አዛዜቲታ። 3 አዪሲ ጎቴ፡ ኢቲ ኡራይ አይኔ ሃኔናን ዴዲዴ፡ ኢቲባ ኢ ሃኔዳዋ አው ማላቶቴ፡ ባሬ ሁጲያ ጨሜ። 4 ሺን አሳይ ኡባይ ሁጲያን ሁጲያን ባሬ ኦሱዋ ፓጩ፤ ሄዋፔ ጉዪያን፡ ሃራ አሳዋና ሊኬናን፡ ባሬ ሁጲ ኦሱዋ ፃላላን አማኔቲያዎ ዴማና። 5 አዪሲ ጎቴ፡ አሳይ ኡባይ ሁጲያን ሁጲያን ባሬፔ ናጌቲያዎ ኦላና ቤሴ።

6 ሺን ያሳ ቃላ ታማሪያዌ ባሬው ዴዲያ ሎዖባ ኡባ ባሬና ታማሪሲያዋና ሻኮ።

7 ሂንቴንታ ሂንቴሬካ ጨሞፕቴ። ኦኒኔ ያሳ ቦላ ቂሊጫናው ዳንዳዬና፤ አዪሲ ጎቴ፡ አሳይ ባሬ ዜሪያዎ ዛሬሊዴ ቆይጫና።

8 ባሬ አሹዋ አሙዋን ዜሪያዎ ጊዶቴ፡ አሹዋ አሙዋፔ ሃይቁዋ ቆይጫና። ሺን ያሳ አያናን ዜሪያዎ ጊዶቴ፡ ያሳ አያናፔ ሜጲና ዴዑዋ ቆይጫና። 9 አኔ ሎዖ ኦሱዋ ኦላናው ሚኖይቴ። አዪሲ ጎቴ፡ ኮኒ ሚኒ አሶቴ፡ ቆይጪያ ዎዲ ሲንላፔ ያናዋ። 10 ሄዋ ጊዶቴ ሃ ኦላናው ኮኒ ዳንዳዪያዎን፡ አሳ ኡባው ሎዖባ ኦላይቴ፤ ሺን ኡባፔ አሊዴ፡ ኦናና አማኑዋን ዴዲያዎንቶ ሎዖባ ኦላይቴ።

ወርሴላ ዞሪያኔ ሳርታ

11 ታኒ ታ ኩሺያን፡ አይ ማላ ዎልቃማ ፒዶላቱዋን፡ ሃዋ ሂንቴንቶ ፃፋዲታንቶ ቤዒቴ። 12 አሳ ሲንላን ሎዒዴ ቤታናው ኮዪያ ኡባቱ፡ ሂንቴ ቃፃሬታና ማላ ኮዪና፤ ሺን ሄዋ ኡንቱንቱ ኦሊያዌ ባሬንቶ ኪሪሰቶሳ ማስቃሊያ ዲራው ዬዴርሴቴናን አታና ፃላላሳ። 13 አዪሲ ጎቴ፡ ኡንቱንቱ ሂንቴ ቃፃሬቴዳዋን ጨቁታናው ሂንቴንታ ቃፃሬቴኖ ጊኖፔ አቲን፡ ሃራይ አቶ ቃፃሬቴዳዋንቱካ ባሬንቱ ሁጴው ሙሴ ሂጊያ ናጊኪኖ።

14 ሺን አላሚ ታው ካቂቲና፡ ታኒካ አላሚው ካቂቲዳ ዬሱሲ ኪሪሰቶሳ ማስቃሊያፔ አቲን፡ ታኒ ጨቁቲያባይ ሃራባይ ታፔ ሃኮ። 15 አዪሲ ጎቴ፡ ኪሪሰቶሲ ዬሱሳን ኦራላ ሜዴታ ጊዲያዌ ማዴፔ አቲን፡ ቃፃሬቴናካ ቃፃሬቴናን አጊናካ አይኔ ማዴና። 16 ሃ ዎጋን ሃሜቲያ ኡባቱዋ ቦላኒኔ ያሳ አሳ ኡባ ቦላ፡ ሳርቴላይኔ ማርቴላይ ጊዶ።

17 ታኒ ዩሱሳው ማይቴድ ማላ ታ ቦላን ቶኬዳ ዲራው፥
ሃዋፔ ሲንጻው ኢቲ አሳይካ ታና ሜቶላፖ።

18 ታናዳን አማኒያዋንቶ፥ ኑ ጎዳ ዩሱሲ ኪሪሰቶሳ አጾ
ከካቴላይ ሂንቴንቴና ጊዶ። አሜንዒ።

Ooratha Caaquwaa New Testament in Dawro (ET:dwr:Dawro)

copyright © 2011 Wycliffe Bible Translators, Inc.

Language: Dawro

Translation by: Wycliffe Bible Translators, Inc.

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Dawro

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

PDF generated using Haiola and XeLaTeX on 11 Nov 2022 from source
files dated 29 Jan 2022
585b63ca-b8e6-55c8-bfef-10bdc95ad69c